

欽定四庫全書

子部

備急千金要方卷十七至十九

詳校官太醫院醫士臣 舒岱

編修臣 倉聖脈覆勘

欽定四庫全書

備急千金要方卷十七

唐 孫思邈 撰

宋 林億等 校正

七竅病方

口病第三

論方
失法

論曰凡患口瘡及齒禁油麪酒醬酸酢醎膩乾棗瘡後
仍須慎之若不久慎尋手再發即難瘥薔薇根角蒿

為口瘡之神藥人不知之也

治口中面上息肉轉大方

以刀決潰去膿血即愈

治口中瘡久不瘥入胸中並生瘡三年已上不瘥者方
濃煎薔薇根汁含之又稍稍咽之日三夜一冬用根
夏用莖葉

又方角蒿灰傳之一宿知二宿瘥有汁吐之不得咽也
治口瘡不歇方

牛膝

生蓑荷根

各三兩

黃蘗

一兩

右三味呿咀以綿裹酒三升漬一宿微火煎一兩沸
細細含之

升麻煎治膀胱熱不已口舌生瘡咽腫方

升麻

玄參

薔薇根白皮

射干

各四兩

大青

黃蘗

各三兩

蜜

七合

右七味呿咀以水七升煮取一升五合去滓下蜜更
煎兩沸細細含咽之

治口數生瘡連年不瘥方

薔薇根

黃芩

當歸

桔梗

黃耆

白斂

大黃

鼠李根皮

芍藥

續斷

黃蘗

葛根各一兩

右十二味為末以酒服方寸匕日二亦可漿水服之

治胃中客熱唇口乾燥生瘡方

茯苓

黃芩

甘草

大黃

薔薇根

各十銖

枳實

杏仁

黃連

各一兩

桂心

兩半

括蔞根

十八銖

右十味為末食前漿水服方寸七日二

治口熱生瘡方

升麻

三十銖

黃連

十八銖又古今錄驗作黃蘗

右二味為末綿裹含咽汁亦可去之

治口瘡方

黃蘗

二兩

升麻

三兩

生地黃

五兩

薔薇根皮

四兩

右四味以水七升煮取三升去滓含之瘡止含

極吐却更含

治口中瘡爛痛不得食方

甘草寸一

黃連六銖

杏仁二十枚

右三味為末合和綿裹杏仁大含之勿咽日三夜一

薔薇圓治口中瘡身體有熱氣痲癩方

薔薇根

黃芩

鼠李根

當歸

葛根

白斂

黃蘗

石龍芮翼作黃連

芍藥

續斷

黃耆各一兩

枯藁根二兩

右十二味為末蜜和丸如梧子服十丸日三千金翼有黃連

一兩

治口吻瘡方

以楸白皮及濕帖之三四度瘥

又方取經年葵根欲腐者彌佳燒作灰及熱傅之良

又方以新炊飯了甑及熱以脣口向甑脣上熨之二七下三兩上瘥止

又方

梔子

甘草

各十
八銖

細辛

三十
銖

桂心

十二
銖

芎藭一兩

右五味為末蜜丸食後服七丸日再服瘥

又方

芎藭

白芷

橘皮

桂心

棗肉各一兩半

右五味為末蜜和為丸食後服十五丸又含之以瘥為度此方甚驗

治口肥瘡方

燻竈上飯令焦末傅之

治鷲吻瘡方

白楊枯枝鐵上燒取瀝及熱傅之

又方以木履尾內塘灰中令熱取拄兩吻各二七遍
治口傍惡瘡方

亂髮灰

故絮灰

黃連末

乾薑末

右四味等分合和為散以粉瘡上不過三遍即愈
治口中瘡咽喉塞不利口燥膏方

猪膏

白蜜

各一斤

黃連

一兩

右三味合煎去滓攪令相得含如半棗大日四五夜

二

治熱病口爛咽喉生瘡水漿不得入膏方

當歸

射干

升麻

各一兩

附子

半兩

白蜜

四兩

右五味以猪脂四兩先煎令成膏下著地勿令

大熱內諸藥微火煎令附子色黃藥成絞去滓內蜜

復上火一兩沸令相得置器中令凝取如杏仁大含
之日四五遍輒咽之

治失欠頰車蹉開張不合方

一人以手指牽其頰以漸推之則復入矣推當疾出
其指恐誤嚙傷人指也

治失欠頰車蹉方

消蠟和水傅之善

又方灸背第五椎一日二七壯滿三日未瘥灸氣衝二

百壯胸前喉下甲骨中是亦名氣堂

又方又灸足內踝上三寸宛宛中或三寸五分百壯三報此三陰交穴也

治卒口噤不開方

以附子搗末內管中強開口吹口中

甘草圓治口中熱乾方

甘草

人參

半夏

生薑

烏梅肉

各一兩半

棗膏

二兩半

右六味為末蜜丸如彈子大旋含咽日三

治口乾方

羊脂若猪脂雞子大擘之內半升酢中漬一宿絞取
汁含之

治口乾除熱下氣方

石膏 五合
碎 蜜 二升

右二味以水三升煮石膏取二升內蜜煮取二升去
滓含如棗核大咽汁盡更含之

治虛勞口乾方

麥門冬

二兩 木

大棗

三十枚 肉

右二味以蜜一升和令熟五升米下蒸之任性服

又方羊脂如雞子大醇酒半升棗七枚擘合漬七日取

棗食之立愈

又方

酸棗

一升

酸石榴子

烏梅

各五合

枯薑實

葛根

甘草

各三兩

麥門冬

四兩

覆盆子

三合

右八味為末以蜜丸含如棗大以潤為度

五香圓治口及身臭令香止煩散氣方

豆蔻

丁香

藿香

零陵香

青木香

白芷

桂心

各一兩

香附子

二兩

甘松香

當歸

各半兩

檳榔

二枚

右十一味為末蜜和丸常含一丸如大豆許咽汁日

三夜一亦可常含咽之五日口香十日遍體香二七

日夜被香三七日下風人聞香四七日洗手水落地

香五七日把他手亦香慎五辛下氣去臭

含香圓治口氣臭穢宜常服之方

丁香 半兩

甘草 三兩

芎藭 一兩

細辛

桂心 各一兩半

右五味為末蜜和丸如彈子大臨卧時服二丸

又方常以月旦日未出時從東壁取步七步回頭向垣

立含水嚥壁七遍口即美香

又方桂心

甘草

細辛

橘皮

右四味等分治下篩以酒服一錢匕瘥止

又方

棗肉

八兩

芎藭

白芷

橘皮

桂心

各四兩

右五味為末次內棗肉乾則加蜜和丸如大豆許且服十丸食前食後常含之或吞之七日大香

治口中臭方

桂心

古今錄用細辛

甘草

各等分

右二味為末臨卧以指撮許酒服二十九即香

又方細辛豆蔻含之甚良

又方蜀椒

桂心各等分

右二味為末酒服三指撮許

主口香去臭方

甘草

三十銖

白芷

十八銖

芎藭

二十四銖

右三味治下篩以酒服方寸匕日三服三十日口香

又方大棗

瓜子仁

松根白皮

右三味治下篩以酒服方寸匕日二服一百日衣被香

又方

瓜子仁

芎藭

藁本

當歸

杜蘅

各六銖

細辛

半兩

防風

二兩

右七味治下篩食後飲服方寸匕日三服五日口香

十日身香二十日肉香三十日衣被香五十日遠聞

香一方加白芷十八銖

又方橘皮

二十銖

桂心

十八銖

木蘭皮

一兩

大棗

二十枚

右四味治下篩酒服方寸匕日三久服身香亦可以

棗肉丸之服二十九如梧子大稍加至三十九一方

有芎藭十八銖

又方濃煮細辛汁含之久乃吐之

又方井花水三升漱口吐廁中良

又方香薷一把水一斗煎取三升稍稍含之

又方甜瓜子作末蜜和丸如棗核大每日空心洗漱訖

含一丸亦傳齒

又方燻大豆令焦及熱酢沃取汁含之

治七孔臭氣皆令香方

沉香

五兩

藁本

三兩

白瓜瓣

半升

丁香

五合

甘草

當歸

芎藭

麝香

各二兩

右八味為末蜜丸如小豆大食後服五丸日三久服

令舉身皆香

治身體臭令香方

治身體臭令香方

甘子皮

白芷

各一兩半

瓜子仁

二兩

藁本

當歸

細辛

桂心

各一兩

右七味治下篩酒服方寸匕日三服五日口香三七

日身香

又方甘草

松根皮

大棗

甜瓜子

各等分

右四味治下篩食後服方寸匕日三七日知百日大

香

薰衣香方

零陵香

丁香

青桂皮

青木香

雞骨煎香

鬱金香

楓香 各三兩

薰陸香

蘇合香

甘松香

甲香 各二兩

沈水香 五兩

雀頭香

白檀香

安息香

艾納香

藿香 各一兩

麝香 半兩

右十八味為末蜜二升半煮肥棗四十枚令爛熟以手痛搗令爛如粥以生布絞去滓用和香乾濕如捺

麩搗五百杵成丸密封七日乃用之以微火燒之以盆水內籠下以殺火氣不爾必有焦氣也

又方

沉香

煎香

各五兩

崔頭香

丁子香

藿香

各一兩

右五味治下節內麝香末半兩粗羅臨薰衣時蜜和

用

又方

薰陸香

沈香

檀香

兜婁婆香

煎香

甘松香

零陵香

藿香

各一兩

丁香

十八銖

棗肉

八兩

苜蓿香

二兩

右十一味粗下篩合棗肉再擣量加蜜和用之善

濕香方

沈香

二斤七兩九銖

甘松香

檀香

崔頭香

一作藿香

雞骨煎香

甲香

零陵香

丁香

各三兩九銖

麝香

二兩九銖

薰陸香

三兩六銖

右十味為末臨用時以蜜和若預和味歇不中

又方

沈香三兩

零陵香

煎香

麝香各一兩半

丁子香

藿香各半兩

甲香

檀香各三銖

薰陸香

甘松香六銖

右十味粗下篩蜜和用薰衣時餅盛埋之久嘗佳

百和香通道俗用者方

沈水香五兩

丁子香

雞骨香

兜婁婆香

甲香 各三兩

薰陸香

白檀香

熟捷香

炭末 各二兩

零陵香

青桂皮

青木香

甘松香

白漸香 柴也

藿香 各一兩

雀頭香

蘓合香

安息香

麝香

燕香 各半兩

右二十味為末酒灑令軟再宿酒氣歇以白蜜和內
瓷器中蠟紙封勿令氣洩冬月開取用大佳

裏衣香方

丁子香 一兩

苜蓿香 二兩

甘松香

茅香 各三兩

藿香

零陵香

各四兩

右六味各搗加澤蘭葉四兩粗下篩用之極美

又方

零陵香

二兩

藿香

甘松香

苜蓿香

煎香

白檀香

沈水香

各一兩

右七味合搗加麝香半兩粗下篩用如前法良

又方

藿香

四兩

丁香

七枚

甘松香

麝香

沈香

煎香

右六味粗下篩和為乾香取裏衣大佳

備急千金要方卷十七

欽定四庫全書

備急千金要方卷十八

唐 孫思邈 撰

宋 林億等 校正

七竅病方

舌病第四方

升麻煎舌主心臟熱即應舌生瘡裂破引脣揭赤服之

洩熱方

蜀升麻

射干 各三兩

栝葉 切一升

大青 二兩

苦竹葉切

地黃汁

各五兩

生玄參汁

三合 赤蜜八合

生蘆根

薔薇根白皮

各五兩

右十味呔咀以水四升煮取一升去滓下玄參汁令

兩沸次下地黃汁兩沸次下蜜煎取一升七合綿惹

取汁安舌上含細細咽之

治舌上瘡不得食舌本強頸兩邊痛此是心虛熱所致
之方

柴胡

升麻

芍藥

梔子仁

通草各二兩

黃芩

大青

杏仁各一兩半

生薑

石膏各四兩

右十味㕮咀以水一斗九升煮取三升半分四服日
三夜一滓可重煎服之

治舌卒腫滿口溢出如吹猪胞氣息不得通須臾不治
殺人方

急以指刮破舌兩邊去汁即愈亦可以鉞刀決兩邊
破之以瘡膏傅之

又方刺舌下兩邊大脉血出勿使刺著舌下中央脉血
出不止殺人如上治不愈或血出數升則燒鐵篦令赤
熨瘡數過以絕血也

又方半夏十二枚洗熟以酢一升煮取八合稍稍含漱
之吐出加生薑一兩佳

治舌腫起如猪胞方

釜下墨末以酢厚傅舌上下脫去更傅須火即消若
先決出血汁竟傅之彌佳凡此患人皆不識或錯治

益困殺人甚急但看其舌下自有噤蟲形狀或如螻
蛄或如卧蠶子細看之有頭尾其頭少白燒鐵釘烙
頭上使熟即自消

治舌腫強滿口方

滿口含糖酢少許時熱通即止

治舌腫滿口不得語方

鹽一升

麩蟲三十枚

右二味以水三升煮三沸含之稍稍咽之日三

治舌強不得語方

礬石

桂心

右二味等分為末安舌下立瘥

舌上黑有數孔大如箸出血如湧泉此心臟病治之方

戎鹽

黃芩

一作葵子

黃蘗

大黃

各五兩

人參

桂心

甘草

各二兩

右七味末蜜丸梧子大以飲服十九日三亦燒鐵篋

烙之

治舌上出血如泉方

燒鐵篦熱爍孔中良

唇病第五

甲煎法
灸法 方

脾脣熱焦方

潤脾膏治脾熱脣焦枯無潤方

生天門冬

切

生地黄汁

升一

生麥門冬

葶藶

各四兩

猪膏

升三

細辛

甘草

芎藭

白木 各二兩

黃耆

升麻 各三兩

右十一味 㕮咀諸藥 苦酒淹一宿 綿裹藥 臨煎下生地黃汁 與猪膏共煎 取膏 鳴水氣盡去 滓取細細含之

甲煎脣脂治脣裂口臭方

先以麻搗泥 泥兩口 好甃餅容一斗 已上各厚半寸 曝令乾

甘松香 五兩

艾納香

苜蓿香

茅香 各一兩

藿香

三兩

零陵香

四兩

右六味先以酒一升水五升相和作湯洗香令淨切
碎又以酒水各一升浸一宿明旦取一斗五升烏麻
油六味內其中微火煎三上三下去滓內上件一口
餅中令少許不滿然後取

上色沈香

三斤

雀頭香

蘇合香

各三兩

白膠香

白檀香

各五兩

丁香

麝香

甲香

各一兩

右八味先酒水相和作湯洗香令淨各各別擣碎不

用絕細以蜜二升酒一升和香內上件瓷餅中令實
滿以綿裹餅口又以竹篦交橫約之勿令香出先掘
地埋上件油餅令口與地平以香餅合覆油餅上令
兩口相當以麻搗泥泥兩餅口際令牢固可厚半寸
許用糠壅餅上厚五寸燒之火欲盡即加糠三日三
夜勿令火絕計糠十二石訖停三日令冷出之別鍊
蠟八斤煮數沸內紫草十二兩煎數十沸取一莖紫
草向瓜甲上研看紫草骨白出之又以綿濾過與前

煎相和令調乃內朱砂粉六兩攪令相得少冷未凝之間傾置竹筒中筒上用紙裹麻纏之待凝冷解開任意用之計此可得五十挺

甲煎口脂治脣白無血色及口臭方

燒香澤法

沈香

甲香

丁香

麝香

檀香

蘇合香

薰陸香

零陵香

白膠香

藿香

甘松香

澤蘭

右十二味各六兩胡麻油五升先煎油令熟乃下白膠香藿香甘松澤蘭少時下火綿濾內瓷餅中餘八種香擣作末以蜜和勿過濕內著一小瓷餅中令滿以綿幕口竹十字絡之以小餅覆大餅上兩口相合密泥泥之乃掘地埋油餅令口與地平乃聚乾牛糞燒之一方用棘火燒之七日七夜不須急滿十二日火尤佳待冷出之即成其餅並須熟泥勻厚一寸曝乾乃可用

鍊蠟合甲煎法

蠟

紫草

各二兩

右先鍊蠟令消乃內紫草煮少時候看以紫草向指
甲上研之紫草心白即出之下蠟勿令凝即傾弱一
合甲煎於蠟中均攪之訖灌筒中勿觸動候冷凝乃
取之便成好口脂也傅口面日三

治緊脣方

纏白布作大燈炷如指安斧刃上然炷令刃汗出拭

取傅唇上日二三度或故青布亦佳并治瀋唇

又方自死螻蛄灰傅之

又方灸松脂帖上取瘡

又方取蛇皮拭淨燒為灰傅之

又方以火灸蠟帖唇取瘡

又方水服蟻螬灰良

又方青布灰以酒服之脂和塗亦可

又方灸虎口男左女右

又方灸承漿三壯

治藩脣方

以乾蟻螬燒末和猪脂臨卧傳之

又方燒鼈甲及頭令煙盡為末傳之日三度

治脣生瘡方

以頭垢傳之日三度

又方以胡粉傳之

治脣邊生瘡連年不瘥方

以八月藍葉十斤絞取汁洗不過三日即瘥

治脣舌忽生瘡方

燒雞屎白為末以布裹著病上含之

治脣先核方

猪屎平量一升投水絞取汁溫服之

治脣黑腫痛癢不可忍方

取大錢四文於石上以臘月猪脂磨取汁塗之

又方以竹弓彈出惡血取瘥

又方燒亂髮及蜂房六畜毛作灰猪脂和傅之亦治潘
脣

治冬月脣乾拆血出方

搗桃仁以猪脂和傅之

治遠行脣口面皺裂方

熟煎猪脂將行夜常取傅面沒行萬里野宿不損

備急千金要方卷十八

欽定四庫全書

備急千金要方卷十九

唐 孫思邈 撰

宋 林億等 校正

七竅病方

齒病第六

論方
灸法

論曰凡齒斷宣露多是疳蠱及月蝕以角蒿灰夜傳斷
間使滿勿食油不過二三夜瘥食油及乾棗即發所以
患齒者忌油乾棗及桂心每旦以一捻鹽內口中以溫

水含揩齒及叩齒百遍為之不絕不過五日口齒即牢
 密凡人齒斷不能食果菜者皆由齒根露也為此鹽湯
 揩齒叩齒法無不愈也神良凡人好患齒病多由月蝕
 夜食飲之所致也識者深宜慎之所以日月蝕未平時
 特忌飲食小兒亦然

治齩齒及蟲痛方

白附子

知母

細辛

各六銖

芎藭

高良薑

各十銖

右五味為末以綿裹少許著齒上有汁吐出一日兩度含之亦治口氣

又方切白馬懸蹄如米許以綿裹著痛處孔中不過三度善

治蠶齒蟲齒積年不瘥從少至老方

崔麥草一名杜姥草似牛毛草以苦瓠葉四十枚淨洗露一宿平旦取草屈長二寸廣一寸厚五分以瓠葉裹縛之作五六十裹子取三年醞醋浸之至日中

取兩裹內火中炮令極熱內口中齒外邊熨之冷則
易之取銅器以水內中解裹于水中洗之得蟲長三
分老者黃赤色少者白色多者得三四十枚少者得
一二十枚

治蟲齒方

葇荳子三合如無蔥子韭子並得以青錢七文燒令
赤取小口甕子令可口含得者將錢內甕子中取一
撮許葇荳子安錢上令炮炆聲仍與半合許水淋令

氣上從颰出將口含颰口令氣莫出用熏齒冷復更
作取三合藥盡為劑非止蟲齒得瘥或風齒齩齒齒
中病悉主之口中多津即吐之

又方白楊葉切一升水三升煮取一升含之

又方大醋一升煮枸杞根白皮一升取半升含之蟲立
出

又方取桃仁少許以釵頭穿向燈上燒之煙出經少時
吹滅即內入口安蟲齒上咬之不過五六度一方作胡

桃仁

治疳蟲蝕齒根方

地龍置石上著一撮鹽須臾化為水以麩展取却待凝厚取以內病上又以皂莢去皮塗上蟲即出

又方純麻子燭燼研以井花水塗之

又方黑殺羊脂菘荇子各等分先燒鐵鋤谷釜令赤內其中煙出以布單覆頭令煙氣入口熏之

治齒斷腫痛及蟲痛方

黃芩

甘草

桂心

當歸

細辛

蛇床子

各一兩

右六味以酢漿水七升煮取三升去滓含之日
三夜二

治齒有孔不得食面腫方

莽草

七葉

猪椒附根皮

長四寸者七枚

右二味以漿水三升煮取一升滿口含倦即吐
却日二三度

治齒根腫方

松葉一把

鹽一合

右二味以酒三升煮取一升含之

治齒根動欲脫落方

生地黄綿裹著齒上咋之又咬咀以汁漬齒根日四五度著之并咽汁十日內大佳

治齒根動且痛方

生地黄

獨活

各三兩

右二味呿咀以水一升漬一宿取含之

治齒斷間津液血出不止方

生竹筍二兩醋煮含之

又方細辛

二兩

甘草

一兩

右二味呿咀以醋二升煎取一升日夜旋含之

又方礬石一兩燒水三升煮取一升先拭血乃含之已後不用朽人牙根齒落不用之可也

治齒間血出方

以苦竹葉濃煮與鹽少許寒温得所含之冷即吐

又方温童子小便半升取三合含之其血即止也

治齒出血不止方

刮生竹皮二兩苦酒浸之令其人解衣坐使人含

其背上三過仍取竹茹濃煮汁勿與鹽適寒温含漱

之竟日為度

治酒醉牙齒涌血出方

當歸二兩

礬石六銖

桂心

細辛

甘草 各一兩

右五味以漿水五升煮取三升含之日五六夜

三

又方燒釘令赤注血孔中止

治頭面風口齒疼痛不可忍方

蜀椒 二合

莽草 十葉

崔李根

獨活 各二兩

細辛

芎藭

防風 各一兩

右七味以酒二升半煮取五沸去滓含之冷吐

更含之勿咽汁

張文仲有白朮二兩

又方雞屎白燒灰以綿裹置齒痛上咬咋之

又方煮枸杞汁含之

又方雞屎白以醋煮漬稍稍含之

又方生地黃

一節一蒜一瓣

右二味熟搗綿裹著痛上咬之勿咽汁出吐之日日

為之瘥止

又方含驢屎須臾即止

治風齒疼痛方

灸外踝上高骨前交脉三壯又以線量手中指至掌
後橫文折為四分量橫文後當臂中灸二壯愈灸之
當隨左右

含漱湯治齒痛方

獨活

當歸

各三兩

黃芩

細辛

芎藭

葶藶

各二兩

丁香

一兩

右七味以水五升煮取二升半去滓含漱須臾

悶出吐更含之

古今錄驗同
有甘草二兩

又方含白馬尿隨左右含之不過三五口

漱湯治齒痛方

腐棘刺二百枚以水二升煮取一升旋旋含之日四

五度以瘥止

又方芎藭

細辛

防風

礬石

附子

藜蘆

莽草

右七味各等分作末綿裹如彈丸大酒浸安所患處

含之勿咽日三刺皮極佳

又方蚯蚓糞水和作稠泥團以火燒令極赤如粉以臘月猪膏和傅齒斷上日三兩度永瘥

又方取自死蚯蚓乾者搗末著痛處即止

治齒斷痛不可食生果方

生地黃 桂心

右二味合嚼令味相得咽之

又方馬齒一把嚼之即瘥

治牙癰塞口噤不開方

附子

大者一枚

黃連

十八銖

礬石

一兩

右三味為末內管中強開口吹之入喉間細細吹之



備急千金要方卷十九

總校官中書臣朱 鈐

校對官中書臣胡紹基

謄錄舉人臣汪師曾